



**Арилжааны мэдээ**

- Монголын хөрөнгийн бирж 2020 оны 8 дугаар сарын 03-ны өдрөөс 2020 оны 8 дугаар сарын 07-ны өдрүүдэд 5 удаагийн үнэт цаасны арилжааг зохион байгуулж, нийт 465,357,055.51 төгрөгийн арилжаа хийсэн байна.
- 2020 оны 8 дугаар сарын 07-ны өдрийн байдлаар зах зээлийн үнэлгээ 2,514,410,947,985.07 төгрөг болсон бол “ТОП 20” индекс 16403.43 нэгж болж өмнөх долоо хоногоос 0.28 %-иар буурсан үзүүлэлттэй байна.

MSE Top 20 индекс

Эх сурвалж: Монголын хөрөнгийн бирж

Монгол банкны USD/MNT ерөнхий харьцаа

Эх сурвалж: Монгол Банк

Тодруулга

Энэхүү арилжааны мэдээ нь зөвхөн арилжааны болон санхүүгийн мэдээлэл өгөх зорилготой бөгөөд аливаа нэг хөрөнгө оруулалтын зөвлөгөө болон санхүүгийн хэрэгслийг худалдах, худалдан авах санал биш болно. Энэхүү мэдээнд агуулагдаж буй мэдээллийг үйл ажиллагаандаа шууд болон шууд бус байдлаар ашигласнаас үүдэн аливаа хувь хүн, хуулийн этгээдийн үйл ажиллагаанд учирсан хохиролд “БиДиСек ҮЦК” ХК хариуцлага хүлээхгүй болно.

Зах зээлийн өөрчлөлт

Индекс	Нэгж	% Өөрчлөлт
MSE Top-20 индекс	16403.43	-0.28%
MSE A индекс	8069.96	0.52%
MSE B индекс	7409.07	-0.21%

Зах зээлийн хураангуй	Нийт (MNT)
Зах зээлийн үнэлгээ	2,514,410,947,985.07
Арилжигдсан үнийн дүн	465,357,055.51

Үнийн дүнгээр	Хаалт (MNT)	Мөнгөн дүн
ИНВЕСКОР ББСБ ХК	2600	250,037,804.00
ЭРДЭНЭ РЕСУРС ДЕВЕЛОПМЕНТ ХК	922.43	49,684,026.00
ГОВЬ ХК	191.57	29,912,473.09
АПУ ХК	547	23,977,150.98
ТАВАН ТОЛГОЙ ХК	5500	18,368,870.00

Тоо ширхэгээр	Хаалт (MNT)	Нийт
АРД САНХҮҮГИЙН НЭГДЭЛ ХК	1249	776.00
ЛЭНДМН ББСБ ХК	32.91	135,211.00
МАНДАЛ ДААТГАЛ ХК	40.64	107,976.00
БОДЬ ДААТГАЛ ХК	113	96,738.00
ИНВЕСТКОР ББСБ ХК	2600	96,428.00

Ханш өссөн	Хаалт (MNT)	% Өөрчлөлт
СТАНДАРТ АГРИКАЛЧЕР ГРУПП	60.00	9.09
УБ-БҮК	440.00	8.91
НОЁТ ХАЙРХАН	363.00	6.76
БАЯНГОЛ ЗОЧИД БУУДАЛ	32,800.00	5.80
МОНГОЛ НЭХМЭЛ	2,100.00	5.00

Ханш буурсан	Хаалт (MNT)	% Өөрчлөлт
ДАРХАН НЭХИЙ	14.93	-29.80
СОР	650.00	-13.33
ДАРХАН ХӨВӨН	7,985.00	-13.20
ХӨВСГӨЛ АЛТАН ДУУЛГА	600.00	-13.04
БИ ДИ СЭК	841.00	-11.47

Тодруулга

Ханшийн өөрчлөлтийн мэдээг 8 дугаар сарын 07-ны өдрийн байдлаарх ханштай харьцуулав.



ЭНЭ ДОЛОО ХОНОГТ

ҮНЭТ ЦААСНЫ ЗАХ ЗЭЭЛИЙН СУУРЬ МЭДЛЭГ ОЛГОХ СУРГАЛТ 8 ДУГААР САРЫН 17-НД ЭХЭЛНЭ. (mse.mn)

Үнэт цаасны зах зээлийн талаарх олон нийтийн мэдлэгийг дээшлүүлэх зорилгоор Монголын хөрөнгийн биржээс сар бүр зохион байгуулдаг Үнэт цаасны зах зээлийн суурь мэдлэг олгох сургалт 8 дугаар сарын 17-ны өдрийн 14:00 цагт эхэлнэ. Сургалт хөрөнгийн биржийн сургалтын танхимд Даваа-Баасан гаригийн 14:00-18:50 цагийн хооронд явагдах бөгөөд үнэт цаасны зах зээлд ажиллаж байгаа мэргэжлийн байгууллагын удирдлагууд, мэргэжилтнүүд онол, практик хосолсон хэлбэрээр хичээлийг удирдан явуулна. Дэлгэрэнгүй мэдээллийг [эндээс](#) үзнэ үү.

“БОДЬ ДААТГАЛ” ХК-ИЙН ХУВЬЦАА ЭЗЭМШИГЧДИЙН АНХААРАЛД. (mse.mn)

“Бодь Даатгал” ХК-ийн Төлөөлөн удирдах зөвлөлийн 2020 оны 7 дугаар сарын 24-ний өдрийн № 20/04 тоот тогтоолын дагуу Хувьцаа эзэмшигчдийн ээлжит бус хурлыг 2020 оны 9 дүгээр сарын 09-ний өдрийн 11:00 цагт хуралдуулахаар болсон тул хувьцаа эзэмшигчид та бүхнийг хүрэлцэн ирэхийг урьж байна. Дэлгэрэнгүй мэдээллийг [эндээс](#) үзнэ үү.

“ДАРХАН НЭХИЙ” ХК 2020 ОНЫ ЭХНИЙ ХАГАС ЖИЛИЙН САНХҮҮ, ҮЙЛ АЖИЛЛАГААНЫ ТАЙЛАНГАА ТАНИЛЦУУЛЛАА. (mse.mn)

Монголын хөрөнгийн биржийн 1-р ангилалд бүртгэлтэй “Дархан Нэхий” ХК-ийн 2020 оны эхний хагас жилийн санхүү, үйл ажиллагааны тайланг тус компанийн гүйцэтгэх захирал Б.Мягмар-Өлзий, үнэт цаасны компаниудын шинжээчид болон сошиал сүлжээгээр дамжуулан олон нийтэд танилцууллаа. Тайланг хугацаанд:

Нийтхөрөнгөөмнөхоныхоос 2.4 тэрбумтөгрөгөөр буюу 3.9% хувиар өсч, 63.1 тэрбум төгрөгт хүрсэн байна.

2019 оны хагас жилд танилцуулсан томоохон хөрөнгө оруулалтын 2 төслийг амжилттай хэрэгжүүлж байна. Grand YAK зочид буудлыг 2020-05-25-нд ашиглалтанд оруулсан. Шахмал ширний төслийн гүйцэтгэл нь 92%-д хүрсэн бөгөөд тун удахгүй ашиглалтанд оруулахаар төлөвлөж байна.

ЕСБХБ (EBRD)-тай хамтран ISO9001:2015 ЧМТ-ны зөвлөх үйлчилгээг авч, үйлдвэрлэлийн чиглэлээр 3 охин компанид чанарын удирдлагын тогтолцоог хэрэгжүүлж байна. 2020 оны 9 сард багтаан ISO стандартыг нэвтрүүлэхээр зорин ажиллаж байна.

Цаашид эцсийн бүтээгдэхүүн үйлдвэрлэлийг нэмэгдүүлж ОХУ руу экспортлох бэлтгэл ажлыг хангаж 8 нэр төрлийн бараа бүтээгдэхүүн экспортлохоор үйлдвэрлэлийн ажлыг эхлүүлсэн байна.

Бүтээгдэхүүн хөгжүүлэлтийн хувьд улирлын борлуулалтаас хамааралгүй шинэлэг бүтээгдэхүүнийг үйлдвэрлэлдээ нэвтрүүлэхээр зорин ажиллаж байна.

“Дархан Нэхий” ХК-ийн олон нийтэд нээлттэй танилцуулсан тайланг бүрэн эхээр нь [Энд дарж](#) үзнэ үү.

“АЙ ТҮҮЛС” ХК 2020 ОНЫ ЭХНИЙ ХАГАС ЖИЛИЙН САНХҮҮ, ҮЙЛ АЖИЛЛАГААНЫ ТАЙЛАНГАА ТАНИЛЦУУЛЛАА. (mse.mn)

Монголын хөрөнгийн биржийн 2-р ангилалд бүртгэлтэй, мэдээлэл технологийн “Ай түүлс” ХК-ийн 2020 оны эхний хагас жилийн санхүү, үйл ажиллагааны тайланг гүйцэтгэх захирал Б.Тамир, үнэт цаасны компаниудын шинжээчид болон цахим сүлжээгээр дамжуулан олон нийтэд танилцууллаа. Тайланг хугацаанд:

“Ай түүлс” ХК-ийн нийт борлуулалтын орлого өмнөх оны мөн үетэй харьцуулахад 27.5 хувиар өсч, 1.4 тэрбум төгрөгт хүрсэн бол цэвэр ашгийн хэмжээ 18 хувь буурч 35.5 сая төгрөгт хүрсэн үзүүлэлттэй байна. Үүнээс дата төвийн үйл ажиллагаанаас 858.9 сая төгрөгийн орлого олж, 142.9 сая төгрөгийн цэвэр ашиг олсон байна.

“Айтүүлс” ХК болон “Фибо Глобал” ХХК хамтран “ICS MEET” гэх шинэ бүтээгдэхүүний хөгжүүлэлтийн ажлыг хийж, зах зээлд гаргахад бэлэн болоод байна. Тус аппликейшин нь онлайнар нэгэн зэрэг 200 - 300 хүн холбогдож видео болон дуун уулзалтийг хийх боломжтой үндэсний хэмжээний анхдагч онлайн хурлын аппликейшн юм.

Дархан хотод байрлах дэд бүтэц нь бүрэн шийдэгдсэн, ашиглалтад бүрэн орсон “Айтүүлс” ХК-ийн эзэмшилд буй барилга байгууламжид 2020 оны 3-р улиралд “Модуляр дата төв” ашиглалтад орохоор төлөвлөгдөн, ажиллаж байна.

“Ай түүлс” ХК-ийн олон нийтэд нээлттэй танилцуулсан тайланг бүрэн эхээр нь [Энд дарж](#) үзнэ үү.

“УЛСЫН ИХ ДЭЛГҮҮР” ХК-ИЙН ХУВЬЦАА ЭЗЭМШИГЧДИЙН АНХААРАЛД. (mse.mn)

“Улсын Их Дэлгүүр” (УИД) ХК-ийн барилгад 2020 оны 6 дугаар сарын 7-ны өдөр гал гарч барилгын зарим хэсэг шатсантай холбогдуулан Цагдаагийн ерөнхий газраас шалгалт, мөрдлөг хийсэн бөгөөд шинжээчдийн дүгнэлт гарсан байна.

Дүгнэлтээр “Тус барилга дээр дээврийн ажил хийж байсан ‘Ай Ти Эн’ ХХК-ийн ажилчид хар цаасыг халааж, хайлуулан наах ажил хийх явцдаа гал алдаж гал түймэр гарахад хүргэсэн” гэж тогтоосон байна. Уг хэрэгт Цагдаагийн Ерөнхий газрын Мөрдөн байцаах алба мөрдөн шалгах ажлыг үргэлжлүүлэн явуулж байгаа бөгөөд УИД ХК болон түрээслэгч нарын хохирлын хэмжээг тогтоохоор ажиллаж байгаа аж.

Галын аюулын улмаас УИД ХК-д ихээхэн хэмжээний хохирол учирсан бөгөөд энэхүү хохирлыг дотоод хүчин чадлаараа барагдуулан даван туулах боломж бололцоо хомс учраас “Номин Холдинг” ХХК болон түүний хамаарал бүхий компаниудаас ажиллах хүч, санхүүгийн туслалцаа авсны үр дүнд 2020 оны 7 дугаар сарын 3-ны өдрөөс тус дэлгүүрийн 1 болон 2 давхрын засварын ажлыг гүйцэтгэн хэвийн ажиллагаанд оруулсан байна.



ЭНЭ ДОЛОО ХОНОГТ

Түүнчлэн, УИД ХК нь үл хөдлөх хөрөнгийн даатгал, тус дэлгүүрт үйл ажиллагаа явуулж байсан түрээслэгч нар нь гэрээнд заасны дагуу бараа материалын даатгалд хамрагдсан болохыг УИД ХК-ийн зүгээс мэдэгдсэн байна.

“ТҮМЭН ШУВУУТ” ХК 2020 ОНЫ ЭХНИЙ ХАГАС ЖИЛИЙН САНХҮҮ, ҮЙЛ АЖИЛЛАГААНЫ ТАЙЛАНГАА ТАНИЛЦУУЛЛАА. (mse.mn)

Монголын Хөрөнгийн Бирж (МХБ)-ийн 1-р ангилалд бүртгэлтэй “Түмэн шувуут” ХК-ийн 2020 оны эхний хагас жилийн санхүү, үйл ажиллагааны тайланг гүйцэтгэх захирал Ж.Болд үнэт цаасны компаниудын шинжээчид болон цахим сүлжээгээр дамжуулан олон нийтэд танилцууллаа. Тайлант хугацаанд дараах үр дүнд хүрчээ. Үүнд:

Бүгд найрамдах Болгар улсын “Dion Engineering” Ltd –ийн бүрэн автомат, иж бүрэн, Европ стандарт хангасан тоног төхөөрөмжийг угсарч шингэн өндөгний үйлдвэрийг ашиглалтанд оруулав. Нийт 33.5 сая ширхэг өндөг үйлдвэрлэсэн нь өмнөх оны эхний хагас жилийн үзүүлэлтээс 2 сая ширхгээр буюу 6 хувиар өссөн байна.

11.7 тэрбум төгрөгийн борлуулалтын орлого олж, 2.0 тэрбум төгрөг буюу нэгж хувьцаанд 10.1 төгрөг ногдох ашигтай ажилласан байна. СХД-ийн 21-р хороо, Их булаг дахь шувууны шинэ аж ахуй нь анхны 40,000 дэгдээхийгээ хүлээн авч үйл ажиллагаагаа эхлүүлсэн байна.

Увс аймагт усалгаатай тариалангийн талбайд 864 га-д улаан буудай, 392 га -д царгас, 216 га-д овъёос тариалав.

Сангасны органик бордооны үйлдвэрийг ашиглалтанд оруулж зөвхөн сангас болон модны үртсээр хийсэн 100 хувь органик бордоог зах зээлд нийлүүлж эхэллээ.

“Түмэн шувуут” ХК-ийн олон нийтэд нээлттэй танилцуулсан тайланг бүрэн эхээр нь [Энд дарж](#) үзнэ үү.

“МОНГОЛ БАЗАЛЫТ” ХК 2020 ОНЫ ЭХНИЙ ХАГАС ЖИЛИЙН САНХҮҮ, ҮЙЛ АЖИЛЛАГААНЫ ТАЙЛАНГАА ТАНИЛЦУУЛЛАА. (mse.mn)

Монголын хөрөнгийн биржийн 2-р ангилалд бүртгэлтэй “Монгол Базальт” ХК-ийн 2020 оны эхний хагас жилийн санхүү, үйл ажиллагааны тайланг гүйцэтгэх захирал Б.Энхгэрэл үнэт цаасны компаниудын шинжээчид болон цахим сүлжээгээр дамжуулан олон нийтэд танилцууллаа. Тайлант хугацаанд:

Борлуулалтын орлого 1.45 тэрбум төгрөгт хүрч, өмнөх оны мөн үеийнхээс 333 сая төгрөг буюу 29.8%-иар өссөн боловч ашгийн хэмжээ буурч 19.4 сая төгрөгийн цэвэр ашигтай ажилласан үзүүлэлттэй байна. Түүнчлэн, энэ онд дулаан солилцуурын зуухны угсралтын ажлыг дуусгаж, нэгдсэн камерын системийг суурилуулсан байна.

Мөн амины орон сууцанд зориулсан M-50 маркын хямд чанартай бүтээгдэхүүнийг зах зээлд нийлүүлж эхэлснээс гадна хөдөө аж ахуйд зориулан усны хэрэглээг 80 хувь хэмнэн ургалтыг 22 хувь нэмэгдүүлдэг гидропоник хөрсийг үйлдвэрлэн БНСУ-ын харилцагчид 600 боодлыг нийлүүлсэн байна.

“Монгол Базальт” ХК-ийн 2020 оны хагас жилийн үйл ажиллагааны тайлангийн дэлгэрэнгүйг [Энд дарж](#) үзнэ үү.

“МОНГОЛЫН ХӨРӨНГИЙН БИРЖ” ТӨХК-ИЙН 2020 ОНЫ ЭХНИЙ ХАГАС ЖИЛИЙН САНХҮҮ, ҮЙЛ АЖИЛЛАГААНЫ ТАЙЛАН. (mse.mn)

“Монголын хөрөнгийн бирж” ТӨХК нь 2020 оны эхний хагас жилд хувьцааны анхдагч болон хоёрдогч зах зээлийн арилжаагаар нийт 164.9 сая ширхэг хувьцааг 23.5 тэрбум төгрөгөөр, ЗГҮЦ-ны хоёрдогч зах зээлийн арилжаагаар 5.8 мянган ширхэг үнэт цаасыг 586.9 сая төгрөгөөр, компанийн бондын анхдагч зах зээлийн арилжаагаар 50.0 мянган ширхэг үнэт цаасыг 5.0 тэрбум төгрөгөөр, хоёрдогч зах зээлийн арилжаагаар 11 ширхэг үнэт цаасыг 1.1 сая төгрөгөөр арилжиж, нийт 29.1 тэрбум төгрөгийн үнийн дүн бүхий арилжаа хийсэн байна. Нийт хөрөнгө 24.5 тэрбум төгрөгт хүрсэн нь өмнөх оныхоос 5.9 тэрбум төгрөгөөр буюу 31.8 хувиар өссөн. Цэвэр зээлийн багц өмнөх оноос 6.8 тэр бум төгрөгөөр буюу 52 хувиар өсч 19.8 тэрбум төгрөгт хүрсэн.

Цахим мөнгөний зөвшөөрлийг Монгол банкнаас авснаас гадна орон нутгийн иргэдэд цахим зээлийг олгож эхлээд байна; Япон улсын Крауд Кредит сангаас авсан санхүүжилтийг амжилттай эргэн төлсөн байна.

Дэлгэрэнгүй мэдээллийг [Энд дарж](#) үзнэ үү.

“МАНДАЛ ДААТГАЛ” ХК 2020 ОНЫ ХАГАС ЖИЛИЙН ТАЙЛАНГАА ТАНИЛЦУУЛЛАА. (mse.mn)

Монголын хөрөнгийн биржийн 1-р ангилалд бүртгэлтэй “Мандал Даатгал” ХК-ийн 2020 оны эхний хагас жилийн санхүү, үйл ажиллагааны тайланг Хөрөнгө оруулалт хариуцсан захирал Г.Ганзориг үнэт цаасны компаниудын шинжээчид болон цахим сүлжээгээр дамжуулан олон нийтэд танилцууллаа. Тайлант хугацаанд:

“Мандал Даатгал” ХК-ийн хураамжийн орлого 20.6 тэрбум төгрөгт хүрч өмнөх оны мөн үеэс 13 хувиар өссөн боловч нөхөн төлбөрийн зардал 45 хувь өссөнтэй холбоотойгоор цэвэр ашгийн хэмжээ буурч 2.3 тэрбум төгрөг болсон байна. Ковид даатгал гэсэн шинэ бүтээгдэхүүн гаргасан бөгөөд 82,000 харилцагчийг үнэ төлбөргүй даатгаснаас гадна гар утасны дэлгэцийн даатгалыг зах зээлд нэвтрүүлээд байна.

“Мандал Даатгал” ХК-ийн нийт хөрөнгө 51.9 тэрбум төгрөгт хүрсэн нь дотоодын даатгалын зах зээлд хөрөнгийн хэмжээгээрээ тэргүүлж байгаагаас гадна нийт хураамжийн орлого болон цэвэр ашгийн хэмжээгээр салбарын компаниудыг тэргүүлж байна.



ЭНЭ ДОЛОО ХОНОГТ

“Мандал Даатгал” ХК-ийн олон нийтэд нээлттэй танилцуулсан тайланг бүрэн эхээр нь [Энд дарж](#) үзнэ үү.

“ДАРХАН НЭХИЙ” ХК-ИЙН ҮНЭТ ЦААСНЫ АРИЛЖААГ НЭЭЛЭЭ.
(mse.mn)

Санхүүгийн Зохицуулах Хорооны 2020 оны 7 дугаар сарын 08-ны өдрийн хуралдаанаар “Дархан нэхий” ХК-ийн хүсэлтийн дагуу тус компанийн хувьцааг 1000 хуваах замаар үнэт цаасны бүртгэлд өөрчлөлт оруулах асуудлыг хэлэлцэн шийдвэрлэсэнтэй холбогдуулан Улсын байцаагчийн 2020 оны 7 дугаар сарын 08-ны өдрийн 96 тоот албан шаардлагаар хувьцаа хуваахтай холбоотой үйл ажиллагаа бүрэн хийгдэж дуусах хүртэлх хугацаанд тус компанийн үнэт цаасны арилжааг түр зогсоосон билээ.

“Дархан нэхий” компанийн хувьцааг хуваахтай холбоотой үйл ажиллагааг хийж дууссаныг тул Санхүүгийн зохицуулах хорооны Улсын байцаагчийн 99 тоот албан шаардлагын дагуу үнэт цаасны арилжааг 2020 оны 8 дугаар сарын 06-ны өдрөөс нээлээ.

“БОДЬ ДААТГАЛ” ХК 2020 ОНЫ ХАГАС ЖИЛИЙН ТАЙЛАНГАА ТАНИЛЦУУЛЛАА. (mse.mn)

Монголын хөрөнгийн биржийн 1-р ангилалд бүртгэлтэй “Бодь Даатгал” ХК-ийн 2020 оны эхний хагас жилийн санхүү, үйл ажиллагааны тайланг Хөрөнгө оруулалт хариуцсан захирал Г.Билгүүн үнэт цаасны компаниудын шинжээчид болон цахим сүлжээгээр дамжуулан олон нийтэд танилцууллаа. Тайлант хугацаанд:

“Бодь Даатгал” ХК-ийн цэвэр хураамжийн орлого 7.7 тэрбум төгрөгт хүрч өмнөх оны мөн үеэс 5.3 хувиар өссөн боловч нөхөн төлбөр болон үйл ажиллагааны зардал өссөнтэй холбоотойгоор цэвэр ашгийн хэмжээ буурч 765 сая төгрөг болсон байна.

Компанийн борлуулалтын сувгийг нэмэгдүүлж, <https://bodi-insurance.com/> цахим хуудсаар дамжуулан өндөр эрэлттэй 7 төрлийн даатгалын бүтээгдэхүүнийг санал болгож эхлээд байна.

Цаашид технологийн шинэчлэлтийг өргөжүүлж, АХА олон улсын эрүүл мэндийн даатгалын үйлчилгээг иргэдэд санал болгохоос гадна “Эрхэм”, “Шийдэл” зэрэг шинэ бүтээгдэхүүнүүдийг зах зээлд нэвтрүүлэхээр болсон байна.

“Бодь Даатгал” ХК нь анхны цахим даатгалын үйлчилгээ болон олон улсын эрүүл мэндийн даатгалын үйлчилгээг зах зээлд нэвтрүүлсэн бөгөөд 2020 оны жилийн эцэст ашгийн хэмжээг 31.5 хувиар өсгөж, 2.2 тэрбум төгрөгийн цэвэр ашигтай ажиллахаар төлөвлөж байгаа тухай мэдэгдлээ.

“Бодь Даатгал” ХК-ийн олон нийтэд нээлттэй танилцуулсан тайланг бүрэн эхээр нь [Энд дарж](#) үзнэ үү.

“ГОВЬ” ХК 2020 ОНЫ ЭХНИЙ ХАГАС ЖИЛИЙН ТАЙЛАНГАА ТАНИЛЦУУЛЛАА. (mse.mn)

Монголын хөрөнгийн биржийн 1-р ангилалд бүртгэлтэй “Говь” ХК-ийн 2020 оны эхний хагас жилийн санхүү, үйл ажиллагааны тайланг Санхүү, стратеги төлөвлөлт хариуцсан захирал Б.Өнөболд болон ТУЗ-ийн нарийн бичгийн дарга Б.Нарантуяа нар 2020 оны 7 дугаар сарын 31-ний өдөр үнэт цаасны компаниудын шинжээчид болон цахим сүлжээгээр дамжуулан олон нийтэд танилцууллаа. Тайлант хугацаанд:

Компанийн зүгээс олон улсын зах зээлд эзлэх байр суурь, цар хүрээгээ улам өргөжүүлэхэд анхааран ажиллаж байгаагийн дүнд онлайн шинэ дэлгүүрүүдийг олон улсын зах зээлд амжилттай нэвтрүүлж, Англи, Герман, Орос, Хятад, Польш, Франц хэл дээр үйл ажиллагаа явуулж эхэлсэн байна.

Олон улсыг хамарсан COVID-19 цар тахлын хорио цээрийн нөлөөллөөр дэлхийн аялал жуулчлалын урсгал хумигдсантай холбоотойгоор хагас жилийн байдлаар дотоод борлуулалтын орлого 57%-иар буурч 18.8 тэрбум төгрөг болсон.

Нийт борлуулалт 37.5 тэрбум төгрөг буюу 45%-иар буурсан боловч онлайн зах зээл дээр 3.0 тэрбум төгрөгийн борлуулалт хийсэн нь өнгөрсөн оны мөн үеэс 15 дахин өссөн үзүүлэлт болсон байна.

“Говь” ХК-ийн олон нийтэд нээлттэй танилцуулсан тайланг бүрэн эхээр нь [Энд дарж](#) үзнэ үү.

“МОНГОЛ ШУУДАН” ХК 2020 ОНЫ ЭХНИЙ ХАГАС ЖИЛИЙН САНХҮҮ, ҮЙЛ АЖИЛЛАГААНЫ ТАЙЛАНГАА ТАНИЛЦУУЛЛАА. (mse.mn)

Монголын хөрөнгийн биржийн 1-р ангилалд бүртгэлтэй “Монгол шуудан” ХК-ийн 2020 оны эхний хагас жилийн санхүү, үйл ажиллагааны тайланг Стратеги, бизнес хөгжил хариуцсан дэд захирал Н.Хосбаяр үнэт цаасны компаниудын шинжээчид болон цахим сүлжээгээр дамжуулан олон нийтэд танилцууллаа. Тайлант хугацаанд тус компани нь шуудангийн уламжлалт нэр төрлийн бүтээгдэхүүнийг хөгжүүлж, өрсөлдөх чадварыг нэмэгдүүлэхэд голлон анхаарч ажилласан бөгөөд дараах голлох үр дүнд хүрчээ. Үүнд:

Гараас гарт хүргэлтийн үйлчилгээг өргөжүүлж, энэ төрлийн үйлчилгээний орлогыг 69 хувиар нэмэгдүүлэв.

Аймаг, хот хоорондын шуудан тээвэрлэлт, логистик үйлчилгээг өргөжүүлэн, өөрийн тээвэрээр хойд, урд, зүүн чиглэлийн нийт 11 аймаг уруу тогтмол хуваарийн дагуу тээвэрлэлт хийдэг болов.

Ковид19 цар тахлаас урьдчилан сэргийлэх ажлын хүрээнд 9 их, дээд сургуультай хамтран ажиллаж, нийт 5000 гаруй төгсөгчийн дипломыг хаягийн дагуу хүргэв. Мөн тусгай үүргийн 25 нислэгээр гадаад шуудан солилцох горимд шилжив.



ЭНЭ ДОЛОО ХОНОГТ

ОХУ-БНХАУ, БНХАУ-Украин, Эстон улс уруу дамжин өнгөрөх шуудан тээвэрлэв.

Eurogiro байгууллагатай байгуулсан хамтран ажиллах гэрээний хүрээнд БНСУ-ын шуудангаар дамжуулан улс хоорондын мөнгөн гуйвуулгын үйлчилгээ үзүүлэхээр болсон бөгөөд уг үйлчилгээг “Ард кредит ББСБ” ХК-тай хамтран гүйцэтгэхээр боллоо.

2020 оны эхний хагас жилд 7.3 тэрбум төгрөгийн орлоготой ажилласан нь өмнөх оны мөн үеэс 398.2 сая төгрөгөөр буюу 5 хувиар өссөн боловч шинээр хэрэгжүүлж байгаа транзит тээврийн үйл ажиллагаатай холбоотой үйл ажиллагааны зардал болон орон нутгийн ажилчдын цалингийн зардал нэмэгдэж, улмаар эхний хагас жилд 3 сая төгрөгийн ашигтай ажилласан байна.

“Монгол шуудан” ХК-ийн олон нийтэд нээлттэй танилцуулсан тайланг бүрэн эхээр нь [Энд дарж](#) үзнэ үү.

“МИК ХОЛДИНГ” ХК-ИЙН ХУВЬЦАА ЭЗЭМШИГЧДИЙН АНХААРАЛД. (mse.mn)

Монголбанкны 2020 оны 6 дугаар сарын 23-ны өдрийн зөвшөөрлийн дагуу Худалдаа, хөгжлийн банкинд Улаанбаатар хотын банкиг нэгтгэн нийлүүлэх замаар өөрчлөн байгуулсантай холбогдуулан Улаанбаатар хотын банкны эзэмшил дэх “МИК Холдинг” ХК-ийн нийт хувьцааны 10 хувь буюу 2,070,912 ширхэг хувьцааг Худалдаа, хөгжлийн банкинд шилжүүлсэн байна.

Энэхүү өөрчлөлтийн дагуу тус компанид эзлэх Худалдаа, хөгжлийн банкны эзэмшлийн хувь 19.99 хувь болж өөрчлөгдсөн байна.

“МИК ХОЛДИНГ” ХК 2020 ОНЫ ЭХНИЙ ХАГАС ЖИЛИЙН САНХҮҮ, ҮЙЛ АЖИЛЛАГААНЫ ТАЙЛАНГАА ТАНИЛЦУУЛЛАА. (mse.mn)

Монголын хөрөнгийн биржийн I ангилалд бүртгэлтэй “Мик Холдинг” ХК 2020 оны эхний хагас жилийн санхүүгийн болон үйл ажиллагааны тайлангаа Монголын хөрөнгийн бирж дээр 2020 оны 8 дугаар сарын 05-ны өдөр танилцууллаа. Тайлант хугацаанд:

2020 оны 6 дугаар сарын 30-ны байдлаар нийт активын хэмжээ 2019 оны мөн үетэй харьцуулахад 1.0%-иар өссөн бол олон улсыг хамарсан цар тахлын нөлөөллөөр нийгэм, эдийн засагт бий болсон нөхцөл байдал, сөрөг нөлөөллөөс урьдчилан сэргийлэх зорилгоор авч хэрэгжүүлж буй арга хэмжээнээс шалтгаалан компанийн цэвэр ашиг буурсан үзүүлэлттэй байна.

“МИК Актив Хорин Хоёр ТЗК” ХХК, “МИК Актив Хорин Гурав ТЗК” ХХК нийт 2975 зээлдэгчийн орон сууцны зээлийг худалдан авч ипотекийн зээлээр баталгаажсан бонд гаргаснаар компанийн нийт багцын хэмжээ 0.7 хувь нийт активын хэмжээ 1.0 хувиар тус тус нэмэгдсэн бөгөөд оны сүүлийн хагаст 2 удаагийн хэлцэл хийхээр төлөвлөн ажиллаж байна.

Нийт өөрийн хөрөнгийн хэмжээ нийт хөрөнгийн 6.1%, нийт зээлийн хөрөнгийн багцын хэмжээ 85.8% болон шинээр гаргасан “Өэлүн” бондын хэмжээ нийт хөрөнгийн 19.2%-ийг тус тус бүрдүүлж байна.

Тайлангийн дэлгэрэнгүйг [эндээс](#) үзнэ үү.

“ТЕХНИК ИМПОРТ” ХК-ИЙН 2019 ОНЫ НОГДОЛ АШГИЙГ ХУВЬЦАА ЭЗЭМШИГЧДИЙН ДАНСАНД БАЙРШУУЛЛАА. (schcd.mn)

“Техник Импорт” ХК-ийн 2019 оны ногдол ашиг болох нэгж хувьцаанд 450 төгрөг 00 мөнгө тараасныг 2020 оны 08 дугаар сарын 06-ны өдөр хувьцаа эзэмшигчдийн төвлөрсөн хадгаламжийн дансанд байршууллаа.

Дэлгэрэнгүй мэдээллийг [Энд дарж](#) үзнэ үү.

“ЭРДЭНЭС ТАВАНТОЛГОЙ ӨНӨӨДРИЙГ ХҮРТЭЛ НОГДОЛ АШИГТ ОЛГОХ МӨНГӨӨ ТӨВЛӨРҮҮЛЭЭГҮЙ БАЙГАА.” (schcd.mn)

Эрдэнэс Тавантолгой компанийн хувьцаа эзэмшигчдийн ногдол ашгийг 2020 оны тавдугаар сарын 1-нээс олгох талаар мэдээлж байсан ч одоо болтол олгоогүй байгаа бөгөөд бид энэ талаар тодруулан хүргэж байсан.

Тэгвэл 1,072 хувьцааны ногдол ашигт олгох мөнгөө тус компани өнөөдрийг хүртэл төвлөрүүлээгүй байгаа талаар Сангийн сайд Ч.Хүрэлбаатар өнөөдөр мэдээлэл хийх үеэрээ хэллээ.

Тэрбээр “1,072 хувьцааны ногдолд ашгийг олгох ёстойг гэдэг байрсуурийг Сангийн яам баримталж байгаа. Гэвч “Эрдэнэс Тавантолгой” компани өнөөдрийг хүртэл ногдол ашигт олгох мөнгөө төвлөрүүлээгүй байгаа. Ногдол ашгийг олго гэдэг шаардлагыг дөрөвдүгээр сараас хойш тавьсан. Харамсалтай нь мөнгөө бүгдийг нь төвлөрүүлээгүй байгаа. Бүрэн төвлөрүүлж байж өгөх учиртай. Энэ бол Сангийн яамтай хамаагүй. Сангийн яам төсвийн мөнгийг л удирддаг. Харин 1,072 хувьцааны ногдол ашиг бол компани олсон ашгаасаа хувьцаа эзэмшигчдэдээ хүртээж байгаа хэрэг” гэлээ.

Дэлгэрэнгүй мэдээллийг [Энд дарж](#) үзнэ үү.

“МИК ХОЛДИНГ” ХК-ИЙН ХУВЬЦААНЫ 10 ХУВИЙГ ХУДАЛДАА, ХӨГЖЛИЙН БАНКАНД ШИЛЖҮҮЛЖЭЭ. (schcd.mn)

Монголбанкны зургаадугаар сарын 23-ны өдрийн зөвшөөрлийн дагуу Худалдаа, Хөгжлийн Банканд Улаанбаатар хотын банкиг нэгтгэн нийлүүлэх замаар өөрчлөн байгуулсантай холбогдуулан Улаанбаатар хотын банкны эзэмшил дэх “МИК Холдинг” ХК-ийн нийт хувьцааны 10 хувь буюу 2,070,912 ширхэг хувьцааг Худалдаа, хөгжлийн банканд шилжүүлсэн байна.

Энэхүү өөрчлөлтийн дагуу тус компанид эзлэх Худалдаа, Хөгжлийн Банкны эзэмшлийн хувь 19.99 хувь болж өөрчлөгдсөн байна талаар Монголын Хөрөнгийн Бирж мэдээлжээ.



“БиДиСЕК ҮЦК” ХК

Андеррайтер, Брокер
Хөрөнгө оруулалтын зөвлөх

Арилжааны мэдээ

32 дахь долоо хоног, 2020

О.Уранбайгаль

Харилцагчийн албаны менежер
И-мэйл: baigal@bdsec.mn

БиДиСек төв оффис

Залуучуудын өргөн чөлөө 27-1
8-р хороо, Сүхбаатар дүүрэг
Улаанбаатар, Монгол улс
Утас: 976-7555-1919

Б.Онон

Харилцагчийн алба, ахлах мэргэжилтэн
И-мэйл: onon.b@bdsec.mn

БиДиСек төв оффис

Залуучуудын өргөн чөлөө 27-1
8-р хороо, Сүхбаатар дүүрэг
Улаанбаатар, Монгол улс
Утас: 976-7555-1919

Б.Анударь

Харилцагчийн алба, мэргэжилтэн
И-мэйл: anudari@bdsec.mn

БиДиСек төв оффис

Залуучуудын өргөн чөлөө 27-1
8-р хороо, Сүхбаатар дүүрэг
Улаанбаатар, Монгол улс
Утас: 976-7555-1919

Энэхүү арилжааны мэдээ нь зөвхөн арилжааны болон санхүүгийн мэдээлэл өгөх зорилготой бөгөөд аливаа нэг хөрөнгө оруулалтын зөвлөгөө болон санхүүгийн хэрэгслийг худалдах, худалдан авах санал биш болно. Энэхүү мэдээнд агуулагдаж буй мэдээллийг үйл ажиллагаандаа шууд болон шууд бус байдлаар ашигласнаас үүдэн аливаа хувь хүн, хуулийн этгээдийн үйл ажиллагаанд учирсан хохиролд “БиДиСек ҮЦК” ХК хариуцлага хүлээхгүй болно.